

13

OFFICIUM
S. JOSEPH
SPONSI B. M. V.
CONFESSORIS.
DVPLEX SECUNDÆ CLASSIS.

A Sacra Rituum Congregatione recognitum & approbatum; de mandato Sanctissimi D. N. CLEMENTIS Divina dispositione Papa XI. in Breviario Romano apponendum, & ab omnibus utriusque sexus Christi fidelibus, qui ad Horas Canonicas veniunt, recitandum die xix. Martij.

DIE XIX. MARTIJ.

*In Festo sancti Joseph Sponsi
B. Mariae Virginis, Confess.
Duplex secunda Classis.*

AD VESPERAS.

Antiphona.

Jacob autem genuit Joseph Virum Mariæ, de qua natus est Jesus, qui vocatur Christus. *Psalmus. Dixit Dominus. cum reliquis de Dominica; & loco ultimi, Psalmus. Laudate Dominum omnes Gentes. Antiphona. Missus est Angelus Gabriel a Deo ad Virginem desponsatam Viro, cui nomen erat Joseph, de domo David, & nomen virginis Maria. Antiphona. Cum esset desponsata Mater Jesu Maria Joseph, antequam convenirent, inventa est*

in utero habens de Spiritu sancto. *Antiphona. Joseph vir ejus, cum esset justus, & nollet eam traducere, voluit occultè dimittere eam. Antiphona. Angelus Domini apparuit Joseph dicens: Joseph fili David noli timere accipere Mariam conjugem tuam; quod enim in ea natum est, de Spiritu sancto est: pariet autem filium, & vocabis nomen ejus Jesum.*

Capitulum. Prov. 28. & 27.

Vir fidelis multum laudabitur; & qui cultos est Domini sui, glorificabitur. *Hymnus.*

TE, Joseph, celebrent agmina Coelitem,
Te cuncti resonent Christiani-
dum Chori,

2 *Officium S. Joseph Confessoris.*

Qui clarus meritis, junctus es
inclytæ

Casto fœdere Virgini.

Almo cum tumidam germi-
ne conjugem.

Admirans, dubio tangeris an-
xius,

Afflatu superi Flaminis An-
gelus

Conceptum puerum docet.

Tu natum Dominum stringis,
ad exteras

Ægypti profugum tu sequeris
plagas;

Amisum Solymis quæris, &
invenis,

Miscens gaudia fletibus.

Post mortem reliquos mors
pia consecrat,

Palmamque emeritos gloria
suscipit:

Tu vivens, superis par, frueris
Deo,

Mira sorte beator.

Nobis, summa Trias, parce
precantibus;

Da Joseph meritis sidera scan-
dere:

Ut tandem liceat nos tibi per-
petum

Gratum promere canticum.

Amen.

✠ Constituit eum Dominum
domus suæ. ꝛ. Et Principem
omnis possessionis suæ.

Ad Magnificas, Antiphona.

Exurgens Joseph à somno fe-
cit, sicut præcepit ei Ange-
lus Domini, & accepit Con-
jugem suam.

Oratio.

Sanctissimæ genitricis tuæ
Sponsi, quæsumus Domi-
ne, meritis adjuvemur: vt quod
possibilitas nostra non obtinet,
ejus nobis intercessione done-
tur. Qui vivis & regnas.

*Si celebretur in Quadrage. fit
commemoratio. Feria.*

Ad Matutinum, Invitatorium.
Christum Dei filium, qui pu-
tari dignatus est filius Joseph: *
Venite adoremus. *Psalm.* Ve-
nite exultemus.

Hymnus.

Cælitum Joseph decus, at-
que nostræ

Certa spes vitæ, columenque
mundi,

Quas tibi læti canimus beni-
gnus

Suscipe laudes.

Te sator rerum statuit pudicæ

Virginis sponsum, voluitque
Verbi

Te patrem dici, dedit & mi-
nistrum

Essæ salutis.

Tu Redemptorem stabulo ja-
centem,

Quem chorus Vatum cecinit
futurum,

Aspicias gaudens, humilisque
natum

Numen adoras.

Rex Deus regum, & Domi-
nator orbis,

Cujus ad nutum tremit infe-
rorum

Tur

Officiam S. Joseph Confessoris.

3

Turba, cui pronus famulatur
Æther,

Seribi subdit.

Laus sit excelsæ triadi perennis,
Quæ tibi præbens superos ho-
minores,

Det tuis nobis meritis beatæ
Gaudia vitæ. Amen.

In primo Nocturno, Añã.

Ascendit Joseph à Galilæa de
civitate Nazareth in Judæam,
in civitatem David, quæ voca-
tur Bethlehem, vt profiteretur

eum Maria. Psalm. Beatus vir.
cum reliq. de Communi Con-
fess. non Pontif. Añã. Venerunt

Pastores festinantes: & invene-
runt Mariam, & Joseph, &
Infantem positum in præsepio.

Psalmus. Quare fremuerunt.
Añã. Ecce Angelus Domini ap-
paruit in somnis Joseph dicens:

Surge, & accipe puerum, & ma-
trem ejus, & fuge in Ægyptum.

Psalm. Domine quid multipli-
catis. y. Constituit eum Domi-
num domus suæ. x. Et prin-
cipem omnis possessionis suæ.

De libro Genesis.

Lectio j. Cap. 39.



JOSEPH igitur du-
ctus est in Ægy-
ptum, emitque eum
Putiphar eunuchus

Pharaonis Princeps exercitus,
vir Ægyptius, de manu Is-
maelitarum, à quibus perdu-
ctus erat. Fuitque Dominus
cum eo, & erat vir in cunctis
prosperè agens: habitavitque

in domo Domini sui, qui op-
timè noverat Dominum esse
eum eo; & omnia, quæ gere-
ret, ab eo dirigi in manu illius.

Invenitque Joseph gratiam eo-
ram Domino suo, & ministra-
bat ei, à quo præpositus om-
nibus gubernabat creditam sibi

domum, & vniuersa, quæ ei
tradita fuerant: benedixitque
Dominus domui Ægyptij pro-
pter Joseph.

x. Fuit Dominus cum Joseph,
& dedit ei gratiam in conspe-
ctu Principis carceris, * Qui
tradidit in manu illius vni-
versos vinctos. y. Quidquid

sciebat, sub ipso erat: Dominus
enim erat cum illo, & omnia
opera ejus dirigebat. Qui.

Lectio ij. Cap. 41.

PLacuit Pharaoni consilium
Joseph, & cunctis mini-
stris ejus: Locutusque est ad
eos: Num invenire poterimus

talem virum, qui Spiritu Dei
plenus sit? Dixit ergo ad Jo-
seph: Quia ostendit tibi Deus
omnia, quæ locutus es, num-
quid sapienterem & consimi-
lem tui invenire poterò? Tu

eris super domum meam, &
ad tui oris imperium cunctus
populus obediet: vno tantum
Regni folio te præcedam.

x. Esuriente Terra Ægypti
clamavit populus ad Regem
alimenta petens. Quibus ille
respondit: * Ite ad Joseph, &
quidquid vobis dixerit, facite.

Officiū S. Joseph Confessoris

Crescebat quotidie fames
in omni terra: aperuitque Jo-
seph vniversa horrea, & ven-
debat Ægyptijs. Itē ad Joseph:

Lectio iij. Cap. 41.

Dixitque rursus Pharaō ad
Joseph: Ecce constitui
Te super vniversam terram
Ægpti. Tulitque annulum
de manu sua, & dedit eum in
manu ejus: vestivitque eum
stola byssina, & collo tor-
quem auream circumposuit.
Fecitque eum ascendere super
currum suum secundum, cla-
mante præcone, vt omnes co-
ram eo genuflecterent, & præ-
positum esse scirent vniversæ
Terræ Ægypti. Dixitque Rex
ad Joseph: Ego sum Pharaō:
abique tuo imperio non mo-
uebit quisquam manum, aut
pedem in omni terra Ægypti.
R. Fecit me Dominus quasi
patrem Regis, & Dominum
vniversæ domus ejus: nolite
pavere; * Pro salutem enim ve-
stra misit me Deus ante vos
in Ægyptum. V. Venite ad
me, & ego dabo vobis omnia
bona Ægypti, & comedetis
medullam terræ. Pro salute:
Gloria Patri. Pro salute:

In secundo Nocturno, Añā.

Confurgens Joseph accepit
puerum, & matrem ejus nocte,
& secessit in Ægyptum: & erat
ibi vsque ad obitum Herodis.
Psalms. Cū invocarem. *Anti-
phona.* Defuncto Herode An-

gelus Domini apparuit in som-
nis Joseph in Ægypto dicens:
Surge, & accipi puerum, &
matrem ejus, & vade in ter-
ram Israel: defuncti sunt
enim, qui quærebant animam
pueri. *Psalms.* Verba mea. *Anti-
phona.* Accepit Joseph pue-
rum, & matrem ejus, & venit
in terram Israel. *Psalms.* Do-
mine Dominus noster.

V. Magna est gloria ejus in
salutari tuo. R. Gloriam, &
magnum decorem impones su-
per eum.

Sermo S. Bernardi Abbatis.

*Homilia 2. super Missus,
prope finem.*

Lectio iij.

Quis & qualis homo
fuerit beatus Joseph,
conijce ex appellatio-
ne, qua, licet dispensatoria, me-
ruit honorari à Deo, vt pater
Dei & dictus & creditus sit;
conijce & ex proprio vocabu-
lo, quod augmentum non du-
bitas interpretari. Simul & me-
mento magni illius quondam
Patriarchæ venditi in Ægypto,
& scito ipsius istum non solum
vocabulum fuisse sortitum, sed
& castimoniam adeptum, inno-
centiam assecutum & gratiam.
R. Ascendit Joseph à Galilæa
de civitate Nazareth in Ju-
dæam, in civitatem David, quæ
vocatur Bethlechem: * Eò quod
esset de domo, & familia Da-
vid. R. Ut profiteretur cum

Ma-

Officium S. Joseph Confessoris.

Maria desponsata sibi vxore. Ed quod.

Lectio vi.

Siquidem ille Joseph, fraterna ex invidia venditus, & ductus in Ægyptum, Christi venditionem præfiguravit: iste Joseph, Herodianam invidiam fugiens, Christum in Ægyptum portavit. Ille domino suo fidem servans, dominæ noluit commisceri: iste Dominam suam Domini sui matrem, virginem agnoscens, & ipse continens, fideliter custodivit. Illi data est intelligētia in mysteriis somniorum: isti datū est consciū fieri atq; participē cælestium sacramentorum.

R. Surge, & accipe puerum, & matrem ejus, & fuge in Ægyptum. * Et esto ibi, vsque dum dicam tibi. *ψ.* Ut adimpleretur quod dictum est à Domino per Prophetam dicentem: Ex Ægypto vocavi filium meum. Et esto.

Lectio vij.

Ille frumenta servavit non sibi, sed omni populo: iste panem vivum è cælo servandum accepit tam sibi, quam toti mundo. Non est dubium, quin bonus & fidelis homo fuerit iste Joseph, cui mater desponsata est Salvatoris. Fidelis, inquam, servus & prudens, quem constituit Dominus suæ matris solatium, suæ carnis nutritium, solum denique in terris magni con-

silij coadjutorem fidissimum. *R.* Cū n. inducerent puerum Jesum parentes ejus, vt facerent secundū consuetudinem legis pro eo: * Accepit eum Simeon in vlnas suas, & benedixit Deum. *ψ.* Et erat Pater ejus, & Mater mirantes super his, quæ dicebantur de illo. Accepit. Gloria Patri. Accepit.

In tertio Nocturno, Añā.

Audiens Joseph quod Archelaus regnaret in Judæa pro Herode Patre suo, timuit illo ire. *Psalms.* Domine quis habitabit. *Añā.* Admonitus in somnis Joseph secessit in partes Galilææ: & veniens habitavit in civitate, quæ vocatur Nazareth; vt adimpleretur quod dictum est per Prophetas: Quoniam Nazaræus vocabitur. *Psalms.* Domine in virtute tua. *Añā.* Erat Pater Jesu, & Mater mirantes super his, quæ dicebantur de illo; & benedixit illis Simeon. *Psalms.* Domini est terra.

ψ. Justus germinabit sicut liliū. *R.* Et florebit in æternum ante Dominum.

Lectio sancti Evangelij secundū n. Matthæum.

Lectio vij. Cap. i. c.

Cvm esset desponsata mater Jesu Maria Joseph, antequam convenirent, inventa est in utero habens de Spiritu sancto. Et reliqua.

Homilia S. Hieronymi Presbyt.
Lib. 1. Comment. in c. 1. Matth.

Quare non de simplici virgine, sed de desponsata concipitur? Primum, ut per generationem Joseph, origo Mariæ monstraretur: secundo, ne lapidaretur à Judæis ut adultera: tertio, ut in Ægyptum fugiens haberet solarium. Martyr Ignatius etiam quartam addidit causam, cur à desponsata conceptus sit: Ut partus, inquit, ejus celaretur diabolo, dum eum putat non de virgine, sed de vxore generatum.

R. Dicit Mater Jesu ad illum: Fili quid fecisti nobis sic?
* Ecce Pater tuus, & ego dolentes quærebamus te. V. Et ait ad illos: Quid est quod me quærebatis? Nesciebatis quia in his, quæ Patris mei sunt, oportet me esse? Ecce.

Lectio viij.

Antequam convenirent, inventa est in utero habens de Spiritu sancto. Non ab alio inventa est, nisi à Joseph, qui pænè licentia maritali futuræ vxoris omnia noverat. Quod autem dicitur, Antequam convenirent, non sequitur ut postea convenirent: sed Scriptura quòd factum non sit ostendit.

R. Descendit Jesus cum eis, & venit Nazareth; * Et erat subditus illis. V. Proficiebat

sapientia, & ætate, & gratia apud Deum, & homines. Et erat. Gloria Patri. Et erat.

Nona Lectio dicitur de Homilia Ferie occurrentis, si celebratur in Quadragesima, & de ea fit comm. in Laud.

Lectio ix.

Joseph autem vir ejus, cum esset justus, & nollet eam traducere, voluit occultè dimittere eam. Si quis fornicariæ conjungitur, vnum corpus efficitur; & in lege præceptum est, non solum reos, sed & confcios criminum obnoxios esse peccati: quomodo Joseph, cum crimen celaret vxoris, justus scribitur? Sed hoc testimonium Mariæ est, quòd Joseph sciens illius castitatem, & admirans quod evenerat, celat silentio, cujus mysterium nesciebat. Te Deum laudamus.

AD LAUDES,

& per Horas, Antiphona.

IBant Parentes Jesu per omnes annos in Jerusalem, in die solemnè Paschæ. Psalm. Dñs regnavit. cum reliq. Añna. Cum redirent, remansit puer Jesus in Jerusalem, & non cognoverunt Parentes ejus. Añna. Non inveniētes Jesum, regressi sunt in Jerusalem requirentes eum; & post triduum invenerunt illum in templo sedentem in medio Doctorum, audientem, & interrogantem eos. Añna. Dixit Mater ejus ad illum: Fili quid

Officium S. Joseph Confessoris.

7

quid fecisti nobis sic? Ecce Pater tuus, & ego dolentes, quærebamus te. *Ana.* Descendit Jesus cum eis, & venit Nazareth, & erat subditus illis.

Capitulum. Prov. 28. & 27.

Vir fidelis multum laudabitur; & qui custos est Domini sui, glorificabitur.

Hymnus.

Iste quem læti colimus fideles,

Cujus excelsos canimus triumphos,

Hac die, Joseph, meruit perennis

Gaudia vitæ.

O nimis felix, nimis ò beatus,

Cujus extremam vigiles ad horam

Christus & Virgo simul astiturunt

Ore sereno.

Hinc stygis victor, laqueo solutus

Carnis, ad sedes placido sopore

Migrat æternas, rutilisq; cingit

Tempora fertis.

Ergo regnantem flagitemus omnes,

Adsit vt nobis, veniamq; nostris

Obtinens culpæ, tribuat supernæ

Munera pacis.

Sint tibi plausus, tibi sint honores,

Trine, qui regnas, Deus, & coronas.

Aureas seruo tribuis fideli.

Omne per ævum. Amen.

Ÿ. Os justi meditabitur sapientiam. R. Et lingua ejus loquetur judicium.

Ad Benedictus, Antiphona.

Ipse Jesus erat incipiens, quasi annorum triginta, vt putabatur filius Joseph. *Oratio.*

Sanctissimæ genitricis tuæ sponsi, quæ lumus Domine, meritis adjuvemur: vt quod possibilitas nostra non obtinet, ejus nobis intercessione doneatur. Qui vivis & regnas.

Ad Tertiam, Antiphona.

Cum redirent. *Capitulum.* Vir fidelis. vt supra.

R. breve. Constituit eum* Dominum domus suæ. Constituit. Ÿ. Et Principem omnis possessionis suæ. Dominum domus suæ. Gloria. Constituit. Ÿ. Magna est gloria ejus in salutari tuo. R. Gloriam, & magnum decorem impones super eum.

Ad Sextam, Antiphona.

Non inventientes.

Capitulum. Eccles. 45.

Dilectus Deo & hominibus, cujus memoria in benedictione est. In fide, & lenitate ipsius Sanctum fecit illū, & elegit eum ex omni carne.

R. breve. Magna est gloria ejus, * In salutari tuo. Magna est. Ÿ. Gloriam, & magnum decorem impones super eum. In salutari tuo. Gloria Patri. Magna est. Ÿ. Justus germinabit sicut lilium. R. Et florebit in æternum ante Dominum.

Ad

Ad Nonam, Antiphona.
 Descendit Jesus.

Capitulum. Sap. 10.

Profugum justum deduxit
 Sapientia per vias rectas,
 & ostendit illi regnum Dei, &
 dedit illi scientiam Sanctorum,
 honestavit illum in laboribus,
 & complevit labores illius.

R. br. Justus germinabit *Sicut
 liliū. Justus. *ŷ.* Et florebit
 in æternum ante Dominum.
 Sicut liliū. Gloria Patri. Ju-
 stus germinabit. *ŷ.* Plantatus
 in domo Domini. *R.* In atrijs
 domus Dei nostri.

In secundis Vesperis. Aña.
 Ibant Parentes. *vt in Laudi-
 bus. Capitulum, & Hymnus, vt
 in primis Vesperis.*

ŷ. Gloria, & divitiæ in domo
 ejus. *R.* Et justitia ejus manet
 in sæculum sæculi.

Ad Magnificat, Antiphona.
 Ecce fidelis servus, & prudens,

quem constituit Dominus su-
 per familiam suam.

Oratio. Sanctissimæ genitri-
 cis tuæ. *vt supra 7.*

*Deinde fit commemoratio san-
 cti Joachim Patris. b. V. Mar-
 Aña.* Laudemus Virum glorio-
 sum in generatione sua, quia
 benedictionem omnium gen-
 tium dedit illi Dominus, & te-
 stamentum suum confirmavit
 super caput ejus.

ŷ. Potens in terra erit semen
 ejus. *R.* Generatio rectorum
 benedicetur. *Oratio.*

Deus, qui præ omnibus
 Sanctis tuis beatum Joa-
 chim Genitricis Filij tui Pa-
 trem esse voluisti: concede
 quæsumus, vt cujus festa ve-
 neramur, ejus quoque perpe-
 tuo patrocinia sentiamus. Per
 eundem Dominum.

*Et si celebretur in Quadrage-
 sit etiam commem. Feria.*

VRBIS, ET ORBIS.

Ad conservendam, imò etiam augendam Fidelium devotionem erga S. JOSEPH
 Spensum Beatissime Virginis Mariæ, ejusque Cultum ferventius semper promo-
 vendum, Sac. Rituū Congregatio supra impressum Officium cum novis Anti-
 phonis, Versibus, Lectiōibus primi Nocturni, Responsorijs, & Capitulis ab Eminent. &
 Rever. Dño Cardinali Albano in eadem Sac. Rit. Congr. relatum approbavit, ac ab
 omnibus Christi fidelibus tam Secularibus, quàm Regularibus, qui ad Horas Canonicas
 tenentur, die 19. Martij in Festo ejusdem S. JOSEPH in posterum recitari, & in
 Breviario apponi mandavit, Si Sanctissimo Dño N. visum fuerit. Die 3. Februarij
 1714.

Factaque deinde per me Pro-Secretarium de prædictis Sanct. Dño N. relatione,
 Sanctitas sua benigne annuit. Die 4. ejusdem mensis, & Anni.

Loco ✕ Sigilli.

N. M. Tedeschi Episcopus Liparitarum
 Sac. Rituū Congreg. Pro-Sect.